



FIARAHA-MIVAVAKA ALAROBIA 10 FEBROARY 2021
Pasteur Falimanana RAHARINDRANTO

Lohahevitra: JESOA MIATRIKA FISEDRA
(Marka 14.1-42)

Amin'ny anaran'ny Ray sy ny Zanaka sy ny Fanahy Masina. Amen

HIRA 167.1,2,3 (Midera ny anaranao...)

Vavaka Fanombohana

Teny fampidirana ny andalan-tsoratra masina

HIRA 190.1,2 (Ry Fanahy Mpanazava)

Vakiteny 1 MARKA 14.1-11 (Ny Fitiavam-Bola)

« Rehefa indroa andro no sisa tsy hahatongavan'ny Paska, fihinanana ny mofo tsy misy masirasira, dia nitady hisambotra an'i Jesosy tamin'ny fitaka ny lohan'ny mpisorona sy ny mpanora-dalàna mba hamonoany Azy. » (Marka 14:1) « Nefa hoy izy: Tsy amin'ny andro firavoravoana, fandrao hampitabataba ny vahoaka. » (Marka 14:2) « Ary nony tany Betania Jesosy tao an-tranon'i Simona boka ka nipetraka nihinana, dia avy ny vehivavy anankiray nitondra tavoara alabastara feno menaka manitra nisy narda saro-bidy indrindra; dia novakiny ny tavoara, ka naidiny tamin'ny lohan'i Jesosy ny menaka. » (Marka 14:3) « Ary nisy ny sasany tezitra ka nifampilaza hoe: Inona no anton'izao fandanium-poana ny menaka manitra izao? » (Marka 14:4) « Fa azo namidy ho lafo tsy omby denaria telon-jato iny menaka manitra iny ka homena ny malahelo. Dia tezitra indrindra tamin-dravehivavy ireo. » (Marka 14:5) « Fa hoy Jesosy taminy: Avelao izy; nahoana ianareo no mampalahelo azy? Asa soa no nataony tamiko. » (Marka 14:6) « Fa ny malahelo dia eto aminareo mandrakariva, ary na oviana na oviana no tianareo hanaovana soa aminy, dia mahazo manao ianareo; fa Izaho kosa tsy mba ho eto aminareo mandrakariva. » (Marka 14:7) « Efa nanao izay azony natao izy: namonjy nanosotra ny tenako hanamboarany Ahy

halevina izy. » (Marka 14:8) « Ary lazaiko aminareo marina tokoa: Na aiza na aiza amin'izao tontolo izao no hitoriana ny filazantsara, dia holazaina koa izao nataon-dravehivavy izao mba ho fahatsiarovana azy. » (Marka 14:9) « Ary Jodasy Iskariota, ilay isan'ny roa ambin'ny folo lahy, dia nankeo amin'ny lohan'ny mpisorona hamadika an'i Jesosy aminy. » (Marka 14:10) « Ary rehefa nandre izany izy ireo, dia faly ka nanaiky hanome vola azy. Ary Jodasy dia nitady izay andro hahazoany mamadika Azy. » (Marka 14:11)

Fanazavana Fohy

HIRA 479.2 (Vola sy Harena Be ...)

VAVAKA ISAM-PIANAKAVIANA ...

VAVAKA MPITANDINA ...

VAKITENY 2. MARKA 14.12-25 (Jesoa Nanorina sy Fanasana Masina)

« Ary tamin'ny voalohan'ny andro fihinanana ny mofo tsy misy masirasira, izay famonoana ny Paska, dia hoy ny mpianany taminy: Aiza no tianao halehanay hanamboaranay mba hihinananao ny Paska? » (Marka 14:12) « Dia naniraka roa lahy tamin'ny mpianany Izy ka nanao taminy hoe: Mankanesa any an-tanàna, ary hisy lehilahy mitondra siny feno rano hifanena aminareo; dia manaraha azy. » (Marka 14:13) « Ary lazao amin'ny tompon'ny trano izay hidirany hoe: Iza no lazain'ny Mpampianatra: Aiza ny efi-trano hiarahako mihinana ny Paska amin'ny mpianatro? » (Marka 14:14) « Ary izy hanoro anareo efi-trano malalaka ambony rihana izay voaisy fipetrahana sady voavoatra tsara; any no amboary ho antsika. » (Marka 14:15) « Ary ny mpianatra nandeha, dia tonga tany an-tanàna ka nahita araka izay nolazainy taminy; dia namboatra ny Paska izy. » (Marka 14:16) « Ary nony hariva ny andro, dia tonga Izy sy ny roa ambin'ny folo lahy. » (Marka 14:17) « Ary raha nipetraka nihinana izy, dia hoy Jesosy: Lazaiko aminareo marina tokoa fa ny anankiray aminareo, dia izay iray miara-mihinana amiko, no hamadika Ahy. » (Marka 14:18) « Dia nalahelo izy, ka samy nanontany Azy tsirairay hoe: Izaho va izany? » (Marka 14:19) « Ary Izy nanao taminy hoe: Izay anankiray amin'ny roa ambin'ny folo lahy miara-manatsoboka amiko ao anatin'ny lovia no izy. » (Marka 14:20) « Fa ny Zanak'olona dia mandeha tokoa, araka ny nanoratana Azy, nefa lozan'izay olona hahazoana ny Zanak'olona hatolotra! Tsara ho an'izany olona izany raha tsy ary akory. » (Marka 14:21) « Ary raha mbola nihinana izy, Jesosy nandray mofo; ka nony efa nisaotra, dia novakiny ka natolony azy ary nataony hoe: Raiso, ity no tenako. » (Marka 14:22) « Dia nandray kapoaka Izy, ka nony efa nisaotra, dia natolony azy; ka dia nisotroan'izy rehetra izany. » (Marka 14:23) « Ary hoy Izy taminy: Ity no rako amin'ny fanekena*, izay alatsaka hamonjy ny maro.[*Na: fanekena vaovao] » (Marka 14:24) « Lazaiko aminareo marina tokoa: Tsy mba hisotro ny vokatry ny voaloboka intsony Aho mandre-pihavin'ny andro hisotroako izay vaovao any amin'ny fanjakan'Andriamanitra. » (Marka 14:25)

Fanazavana Fohy

Aix-Marseille, Amiens, Annemasse, Athis-Fanantenana, Avignon, Bordeaux, Caen, Cergy, Clermont-Ferrand, Creil, Dijon, Evry-Fitiavana, Fihobiana-Paris, Grands-Champs, Grenoble, La Réunion, Lille, Lyon, Melun, Montpellier, Mulhouse, Nancy, Nantes, Nice, Orléans, Paris, Poitiers, Port Royal Arago, Reims, Rennes, Rouen, Saint-Etienne, Strasbourg, Toulouse, Tours, Troyes, Vatefahizoro, Vincennes, Yvelines-Fahazavana

HIRA 265.3 (Ny Mofa sy Divay)

VAVAKA ISAM-PIANAKAVIANA ...

VAVAKA MPITANDINA ...

VAKITENY 3. MARKA 14.26-31 (Ny Teny Fanekena)

« Ary rehefa nihira fiderana izy, dia lasa nankany an-tendrombohitra Oliva. » (Marka 14:26) « Ary hoy Jesosy taminy: Ho tafintohina avokoa ianareo rehetra; fa voasoratra hoe: Hamely ny mpiandry Aho, dia hihahaka ny ondry (Zak. 13. 7). » (Marka 14:27) « Fa rehefa mitsangana Aho, dia hialoha anareo ho any Galilia. » (Marka 14:28) « Fa hoy Petera taminy: Na dia ho tafintohina avokoa aza ny olona rehetra, izaho tsy mba ho tafintohina. » (Marka 14:29) « Ary hoy Jesosy taminy: Lazaiko aminao marina tokoa: Anio, dia amin'ity alina ity, raha tsy mbola misy akoho maneno fanindroany, dia handà Ahy intelo ianao. » (Marka 14:30) « Fa vao mainka niteny mafy dia mafy izy hoe: Na dia hiara-maty aminao aza aho, tsy mba handà Anao tokoa aho. Ary toy izany koa no nolazain'izy rehetra. » (Marka 14:31)

Fanazavana Fohy

HIRA 297.2 (Hajao ny Fanekena)

VAVAKA ISAM-PIANAKAVIANA ...

VAVAKA MPITANDINA ...

VAKITENY 4. MARKA 14.32-42 (Jesoa Getsemane)

« Ary tonga tany amin'ny saha izay atao hoe Getsemane izy; dia hoy Jesosy tamin'ny mpianany: Mipetraha eto ianareo mandra-pivavako. » (Marka 14:32) « Ary nitondra an'i Petera sy Jakoba sy Jaona Izy, dia talanjona sady ory indrindra. » (Marka 14:33) « Ary hoy Izy taminy: Fadiranovana loatra ny fanahiko toy ny efa ho faty; mitoera eto, ka miareta tory. » (Marka 14:34) « Ary nony nandroso kelikely Izy, dia niankohoka tamin'ny tany ka nivavaka mba hialan'izany ora izany aminy, raha azo atao. » (Marka 14:35) « Ary hoy Izy: Aba, Raiko ô, ny zavatra rehetra hainao; esory amiko ity kapoaka ity; nefa aoka tsy ny sitrapoko anie no hatao, fa ny Anao. » (Marka 14:36) « Ary avy Izy ka nahita azy ireo matory, dia hoy Izy tamin'i Petera: Ry Simona, matory va ianao? Tsy nahazaka niari-tory na dia ora iray ihany aza va ianao? » (Marka 14:37) « Miareta tory ianareo, ka mivavaha, mba tsy hidiranareo amin'ny fakam-panahy; mety ihany ny fanahy, fa ny nofo no tsy manan-kery. » (Marka 14:38) « Dia lasa indray Izy ka nivavaka nanao ilay teny teo ihany. » (Marka 14:39) « Ary nony niverina indray Izy, dia nahita azy matory, fa efa nilondolondo ny masonry, ka tsy hitany izay havaliny Azy. » (Marka 14:40) « Ary avy fanintelony Izy,

dia nanao taminy hoe: Matoria ary ankehitriny, ka mialà sasatra ianareo. Aoka izay; efa tonga ny ora; indro, ny Zanak'olona hatolotra ao an-tànan'ny mpanota. » (Marka 14:41) « Mitsangàna, andeha isika; indro fa efa akaiky ilay mamadika Ahy. » (Marka 14:42)

Fanazavana Fohy

HIRA 90.2 (Nagorohoro Mafy Re ...)

VAVAKA ISAM-PIANAKAVIANA ...

VAVAKA MPITANDINA ...

Teny FANDRAVONANA

Andalan-tsoratra masina fandravonana Marka 12.30

« koa tiava an'i Jehovah Andriamanitrao amin'ny fonao rehetra sy ny fanahinao rehetra sy ny saina rehetra ary ny herinao rehetra (Deo. 6. 4, 5). » (Marka 12:30)

HIRA 332.1

TSODRANO